

JOH. HEVELII HISTORIOLA
Cometæ Anni 1683.

PLurimi sine dubio, imprimis ij, quibus Historia, Cometarum non adeo plane cognita est, haud parum mirabuntur, quod ab Anno 1680, in tribus sc. Annis tres Cometæ notabilis in celo affulserint, imo si accurate loquendum i^ratio sc. unius Anni duo revera extiterint. Nam Anno 1682, a Mensa 25 Aug. ad 17 Sept. satis conspicuas Cometa luxit; prout ex observatiunculis meis, Aetatis Erudit. Lips. Mense Novembr. dicti Anni insertis, videre est. Nunc rursus priusquam adhuc totus iste Annus effluxit, alius novus exortus est, quem a die 30 Julij, ad 4 Sept. ex voto observavi, & cuius Historiolam hisce, Amice Honorande, brevibus Tibi tradoo. Verum enimvero non est quod adeo miramur tres Cometas in tribus hisce elapsis Annis nobis apparuisse. Cum id pluries acciderit, quod non solum in tribus vel 4 Annis, tres & quatuor illuxerint; sed etiam spatio 5 Annorum 5 diversi & quidem maxime notabiles: Sicuti ex Historia mea Cometarum cuiilibet patebit. Anno enim post natum Christum 837, ad Annum usque 840, tres; secundo, ab Anno 1312 ad 1315, quatuor; Tertio, ab Anno 1337 ad Annum 1340, tres vel quatuor; Quarto, ab Anno 1399, ad Annum 1403, quinque; Quinto, ab Anno 1531 ad Annum 1533, tres, & Sexto, ab Anno 1556, ad Annum 1560, rursus quinque in Mundi conspectum venerunt. Inter quos haudi pauci horrenda & terribili specie, nec non Cauda longissima & lucida extiterunt. Imprimis de Cometa Anni 1401, diversissimi Auctores, utpote Lavatherus, Rockenbachius, Eckstormius, Ursinius Buntinus referunt, quod fuerit Magnus, horrendus, lucidus, & clarus; Cauda expansa, similis pavonis, comam erectam explicans, ignis flammantis specie, non fecu, ac hastam radios jacu-



culabatur, & Sole infra Horizontem demerso propriis radiis effusis, omnes Orbis terminos collustrabat, nec aliis Stellis lumen exferere concedebat, aut aerem noctis Umbra infusari, quod ejus lumen aliorum Splendorem vinceret, & ad Cœli verticem flammatam pretendetur, quam diu supra Horizontem extabat. Sicut certissimum sit & alio tempore tres & quatuor Cometas altero statim Anno seinvicem subsequutos esse, aliudque Seculum præ alio, Cometis multo fuisse frugalius. Nam plerumque ab Anno sc. Christi uno Seculo (Si tantummodo omnes & singuli ab Auctoribus fuerunt annotati) tantum 10, 12 vel 13 extiterunt, nisi quod Seculum 13 & 14, 20 Cometas exhibuerit. Hucusque tamen omnium præcedentium Seculorum nullum plures quam proxime præcedens, 15 sc. Seculum, produxit Stellas Crinitas: quippe in eo 40 annotati sunt a Fidissimis Auctoribus hocce vero seculum currens 16 hucusque ad Mensem Octobr. Anni sc. 1683 currentis, tantummodo adhuc 15. Sidera Comata nobis in coaspem cum dedit. Interea tamen hocce Seculo in primis bene notandam est, quod intra Spatium unius solummodo Anni quatuor bene conspicui, utpote Anno 1618 (uti ex Historia, tam nostra quam aliorum patet Cometarum Historia) apparuerint Cometæ, id quod nullo alio Seculo unquam extitisse legi.

Sed, ut ad nostrum Cometam redeam, atque referam, qua occasione, quo tempore, & ubinam primum a me visus, atque observatus sit; Scias, mi Amice, postquam triplicem illam Conjunctionem Magnam Superiorum Planetarum, satis frequenter ad Junium usque, Cœlo annuente, observassem, accidit, ut continuæ pluviae, diesque Nubilosæ in Mensim usque Julium obstiterrint, quo Cœlum rite intueri sepius potuerim; die vero 30 Julii aere rursus depargato, eam Speculam ascendissem, atque Stellam novam in Collo Ceti quererem, postmodum etiam faciem ad Aquilonem converterem, exinsperato obtigit mihi nihil tale quid exspectanti, ut

hora vesp. 11 30 circiter Phænomenum aliquod eo quidem in Coeli loco ubinam nullæ Stellulæ valde conspicuæ existunt, nimirum in novo nostro Sydere, Trigride vel Lynce, quod inter Ursam Majorem, Geminos, & Aurigam situm est, & cujus maxima pars in Cancro conspicitur, eo in loco inquam, Sydus Crinitum hic Gedani deprehenderem, Caudam haud adeo longam, inter Stellam Polarem, & Cassiopeam sursum cum aliqua inclinatione exporrigens; Constituebat Lineam rectam cum supraea Capitis Aurigæ, & dextro humero Persei, non minus cum ventre Ursæ Majoris, & dextro humero Aurigæ, item cum media Caudæ & latere Ursæ Majoris. Deinde Tubo 10 pedum arrepto istud Phenomenum contemplatus sum, Caput erat quidem sat amplum, sed materia non admodum condensata; sic ut nullus lucidus nucleus neque distincta corpuscula, ut quidem alias in plurimis aliis deprehensionum est, in eo apparerent; verfabatur eo ipso tempore inter tres Stellulas (sed Teloscopio tantum visibiles) quæ vix 20 ab invicem removebantur Minutis, atque triangulum fere æquilaterum constituebant. His annotatis Sextante diversas distantias ab isto novo Cometa dimensus sum: Utpote a lucido latere Persei, a latere Ursæ Majoris, & ab humero Ursæ Minoris. Hora 12 tere altitudo ejus erat $19^{\circ} 57'$; quantæ autem revera extiterint illæ distantiaæ, hic nimis longum foret recensere; cum animus tantummodo sit hac vice breviorem ac generalem Historiolam Astrophilis tradere, reliqua omnia, ut & inter quas Stellulas singulis diebus visus fuerit, in continuatione Mearum observationum brevi edenda reservantur.

Die subsequente h. 31 Julii vesp. ab ijsdem Stellis fixis Cometa debite est observatus, altus cum esset hor. sc. 12. 30, $21^{\circ} 28'$; qui cum pede Aurigæ & Capella rectam constituebat. Cauda erat dilutissima, ac rarior quam die hesterna, sed paulo longior.

Die

Die ☽, 1 Augusti vesp. hora 11 30', Cometa quidem per dehiscentes Nubes Tubo detectus, sed ob vapores Instrumentis minime observatus est.

Die ♀ vero 4 Augusti mane rursus Cometam a Capella, a lucido latere Persei, a latere Ursæ Majoris, & ab humero Ursæ Minoris dimensus sum; cui 4 Stellulæ, nudo oculo invisibilis, adstabant. Removebatur eo tempore tanto spatio a dextro humero Aurigæ, quanto alias distat dictus humerus a capite Hædi. Cæterum Sinistra Tibia Persei, Capella & Cometa rectam referabant. Hac nocte hora fere 2 hoc in primis notandum occurrit, quod Venus a Stella fixa 3 magnitud, a Ventre sc. Pollucis non nisi 16' removeretur Austrum versus id quod ex Micrometro accurate comperi.

Die 5. 6. mane, item die 11, 12, 14, & 15 vesp. ob lunæ splendorem, Nubes atque Vapores non nisi Teloscopio Cometa observatus est, accurate tamen omni tempore delineatus, quibus Stellulis erat circumdatus, & quanto spatio ab hac vel illa distabat, adeo ut locum Phænomeni nihilominus ex parte cognoscere potuerim. Cauda vero vix ac ne vix amplius sub adspicuum veniebat.

Die ☽, 16 Augusti vesp. hora fere 11 Cometa inter quatuor Stellulas rursus versabatur, quarum una a parte Cometæ superiori in ipsa coniunctione non nisi 1' distabat, adeo arcte limbo adhærebatur: quo tempore simul diametrum Cometæ Micrometro meo dimensus sum nimirum 6' 5'' existere: in primis, ut successu temporis cognoscerem, an crescat, an vero decrescat? Qua etiam die rursus distantias a lucida & sequente in pede sinistro, nec non a lucido latere Persei, item a latere Ursæ Majoris feliciter impetravi.

Die ♀, 18 Augusti vesp. eadem distantia Sextante observatae sunt a Cometa qui brevissimam, ac rarissimam Comam inter Capellam & Caput Hædi exporigebat.

Die ♀ 20 Augusti vesp. ex voto iterum diversissimas di-

distantias Cometæ a fixis obtinui; in primis jucundissimum erat, Cometam contemplari inter plurimas, ac lucidissimas fixas. Nam utroque Hædo erat vicinissimus ita ut cum his, triangulum fere æquilaterum constitueret, cuius latera fere distantiam Hædorum (quæ est 47' circ.) æquabant. Ad hæc Cometa cum Cappella & illa in planta dextri pedis Persei, triangulum æquilaterum, cuius basis erat distantia dictarum fixarum, exhibebat.

Die ♂, 24 Augusti vesp. capta est distantia Cometæ a dextro humero Aurigæ, ab Alamac, a lucida in Sinistro pede Persei, & a lucida ν; versabatur inter Capellam & Plejadas, sic ut a Capella & Plejadibus in eadem fere remotione videretur. Deinde Capella, Cometa, & Plejades; item Alamac, Caput Medusæ & Cometa; nec non dexter humerus Aurigæ, Cometa, & Sequens sinistri pedis Persei lineam fere rectam constituebant, in hac tamen ultima Constitutione, Cometa fere infra paulo rectam jam incedebat.

Die ♀, 25 Augusti vesp. Eadem antecedentes distantiae observatae sunt, Cometa existente cum Capella, & Caput Hædi in eadem fere recta.

Die ☽, 29 Augusti mane, (noctes enim antecedentes erant prorsus nubilosæ) denuo Cometam contemplatus sum in situ perquam notabili, prope Plejadas; Sic ut hora 15' plurimis minutissimis, & clarissimis fixis stipatus esset, nempe stellis Subiæscianis, atque a Cuspide Occidentali Plejadum sursum versus, non nisi 42' 35" removeretur. Observatus insuper est eodem tempore a dextro humero Aurigæ, a lucida ν, a lucido latere Persei, & a Capella.

Eadem die vesperi 29 sc. Augusti ab iisdem Stellis Cometa deprehensus est, sed longe jam promotior contra S. S. Ipatio sc. 24 horarum, ad quatuor fere gradus reperiebatur.

Die 30 Augusti, die ☽ vesp. Cometa a Stellula quadam

dām bene cōspicua non nisi $32' 41''$ aberat; & cum Musca & in basi Trianguli, deinde etiam cum præcedente in Pede, & illa in genū Persei lineam constituebat rectam. Ad hæc a plurimis fixis Sextante quoque obſervatus est.

Die 2, 2 Sept. mane Cometa inter Plejadas & Nodum lini versabatur, constituens lineam rectam cum Musca & lucida Mandib. Ceti; & cum infima in armo ♂, & Mandibula triangulum fere æquicrurum, cuius vertex dicta erat Mandibula. Præterea quoque lineam referebat rectam cum duabus in fronte Ceti, tum tanto fere spatio ab Occidentaliori distabat, quam alias utraque ab invicem removentur. Prout ex obſervatis distantiis Sextante captis clarius patebit.

Hac die iterum diametrum Cometæ Capitis Micrometro diligenter dimensus sum, ut rite explorarem, an diameter ejusdem adhuc effet magnitudinis, an cresceret, an vero decresceret? Erat autem Cometæ diameter die 16 Auguſti eodem Micrometro obtenta tantummodo $6' 5''$; hodie vero iam $9' 7''$; sic ut notabiliter ſpatio 17 dierum creverit. Non nemo dicceret id factum eſſe, quod in ultima Observatione vicinior multo fuerit Terræ. Atque ideo clarius & lucidius caput exhibere debebat, præſertim ſi corpus effet æternum (ut quidam ſtatuumt) quod rursus certo tempore, abſoluto ſuo circulo, nobis in Conſpectum redit. Sed e contrario caput longe obtusius, rariusque ultimo extitit, ſic ut diſtinctiſime notari potuerimus, materiam Capitis ſenſim ſeſe diſolvere, id quod autem multo melius cum noſtra convenit hypothefi.

Postremo, die 4 Sept. mane ex voto Cometam obſervavi, videbatur in linea exiſtere recta cum illa in fronte Occid. Ceti, & lucida ♀, item cum illa in Orc & Mandibula Ceti; adhæc fere triangulum æquilaterum cum illa in ore, & ad Genam Ceti conſtituebat. De cætero autem exoptato mihi extitit, quod non ſolum ſuf-

sufficientes distantias pro vero loco ex Calculo eruendo, sed etiam Cometæ altitudinem Meridianam in Austro, exactissimo Quadrante hora videlicet matutina 3 40' fere, nimurum 38° 15' esse, impetraverim.

Posthac, diebus subsequentibus, quoties Cœlum tantummodo annuit sedulo quidem illum quæsivi, sed ob eam vicinitatem, ejusque splendorem, vaporesque circa Horizontem crebriores, haud illum amplius deprehendere potui, ut ut ad 12 Septembr. supra nostrum Horizontem adhuc extiterit: prout ex subsequente Tabella ejusque motu diurno liquidum est.

Ultimo, Mi Astrophile, etiamsi graviora studia, quibus quotidie occupatus, haud concesserint, universas meas hujus Cometæ observationes Calculo subjicere, nihilominus, quantum fieri licuit, rudiori Minerva, Tibi sub adspectum ponam, quo loco, secundum longitudinem & latitudinem, in quavis observatione & die extiterit, & qua ratione motus ejus diurnus contra seriem Signorum creverit; nec non ad certos dies, quanta fuerit Cometæ Declinatio & Ascensio Recta.

TABULA Cometæ Annis 1683, Longitudinem, Latitudinem, Motum diurnum, Declinationem, & Ascensionem Rectam, a Die 30 Julii, ad 4 Septem. exhibens.

Mens. Dies.	Longitudo. o i s.	Latitudo sc. o i A.	B. Motus diurnus. o i	Declinatio. o i	Ascens. Rect. o i
Julii 30	7 0 69	29 15 B		51 30 B	100 0
31	6 25	29 0	0 42		
August. 1	5 45	28 45	0 44		
2	5 0	28 30	0 46		
3	4 10	28 15	0 48		
4	3 20	28 0	0 50	51 40 B	96 0
Augult. 5	2 20 69	27 45 B	0 52		
6	1 20	27 30	0 54		
7	0 20	27 15	0 56		
8	29 20 II	27 0	0 58		
Aug. 9	28 20 II	26 40 B	1 0		
10	27 20	26 20	1 2		
11	26 20	25 55	1 4		
12	25 20	25 30	1 6		
Aug. 13	24 20 II	25 0 B	1 8		
14	23 20	24 30	1 10		
15	22 20	24 0	1 12		
16	21 10	23 20	1 14	46 0 B	77 0
Aug. 17	19 20 II	22 30 B	1 19		
18	17 40	21 30	1 25	44 0 B	73 30
19	16 0	20 30	1 35		
20	14 20	19 15	1 45	41 0	69 30
Aug. 21	12 20 II	18 0 B	1 55		
22	10 20	16 45	2 5		
23	8 20	15 30	2 15		
24	6 20	14 15	2 25	35 0	60 40
Aug. 25	3 50 II	12 45 B	2 40		
26	1 5	11 0	2 55		
27	28 15 8	9 0	3 10		
28	25 15	6 30	3 25	24 30	51 0
Aug. 29	22 15 8	4 0 B	3 40	21 30	48 30
30	18 55	1 30	3 55	18 0	45 40
31	16 25	1 0 A	4 5		
Sept. 1	12 55	3 30	4 20		
Sept. 2	9 55 8	6 0 A	4 40	10 30	40 0
3	6 25	8 40	5 5		
4	2 35 8	11 20 A	5 30	1 30 B	34 0

K k k

Ex

Ex quibus nunc luculenter videre est, Cometam hunc continuo contra S. S. incessisse, ex lynce videlicet seu Trigride (quod Sydus ego primum cum aliis decem, in novos meos transtuli Globos) per Aurigam, Taurum ad caput usque Ceti; hoc est ex 7° Cancri (ubi 30 Augusti primum a nobis visus) per Geminos, 30 δ usque; Sic ut in Ecliptica $63^{\circ} 55'$, in sua vero orbita, $74^{\circ} 35'$ (nimirum a 30 Augusti ad 4 Sept.) peragraverit. Sub angulo videlicet Orbitæ & Ecclipticæ 39° fere gradum, sub angulo vero Obitæ & Aequatoris 56° . latitudo initio $29^{\circ} 15'$ Boreal. & ultimo $11^{\circ} 20'$ Austral. extitit, adeo ut ad 41° fere gradus eam variaverit. Si luna non fuisset pernox, nec adeo ei vicina ultimo, tum noctes extitissent serenæ perfecto adhuc diutius nempe ad 12 Sept. usque illum observasse: prout ex ejus Altitudine Meridiana, motu ue diurno, quem in ultima observatione exercuit, satis superque patet.

De Capite hæc notandum habeo, quod initio, quoad diametrum, longe minus quam ultimo; e contrario initio longe lucidius, quam circa finem extiterit; nullos tamen distinctos & fulgentes nucleos, prout in plurimis videre nobis obtingit exhibuerit, sed confusam materiam, & circa finem multò tenuiorem Jure hic Cometa (cum plerumque absque omni Cauda visus) inter sidera Comata, vel crinita, sive inter Barbata & Hircos refertur. Nam non nisi ad 18 Aug. brevissimam & dilutissimam Comam sursum versus exporrigebat; quæ postmodum vero omnino evanuit.

Quibus & quam diutissime valeas, Amice plurimum Honorande, animitus præcor; nihil potius exoptans, quam ut possim gravioribus quibusdam studiis, pro meo modulo a deo concessso, in Astronomiæ commodum, ac incrementum Astrophilis inservire. Dabam Gedani Anno a natō Christo 1683 st. n. ipso die Aequinoctij Autumnalis, Sole existente in Meridie alto $35^{\circ} 27'$ Quad: parv. Orich.

Tuus.

ex Animo

J. Hevelius.

De